



ILLOQARFIUP ILAANUT PILERSAARUT 4A5-1

KOMMUNIMUT PILERSAARUMMUT TAPILIUSSARTALIK NR. 34
PINGORSUAQ - QINNGUTSINNI UJAQQUERIVIK



NUUP KOMMUNEA

TEKNIKKIMUT AVATANGIISINULLU INGERLATSIVIK

Juuni 2006

IMARISAI

ILITSERSUUT	3
NASSUIAAT	4
Illoqarfiup ilaanut pilersaarutip tunuliaqutaa	4
Illoqarfiup ilaanut pilersaarutip siunertaa imarisaalu.....	4
Pissutsit atuutereersut.....	6
Pilersaarummut allamut attuumassuteqarneq.....	7
Inatsisitigut atuuffii	7
Oqallisigineqarfia akuersissutigineqarneralu.....	8
AALAJANGERSAKKAT	9
§ 1 Illoqarfiup ilaanut pilersaarutip siunertaa	9
§ 2 Illoqarfiup ilaanut pilersaarutip sumiiffia	9
§ 3 Sumiiffiup atorneqarfissaa	9
§ 4 Aqqusineqarniarnermut pisinnaallu aqqutaanut pissutsit.....	9
§ 5 Ujaqquqariviup annertussusaa inissisimaffialu	9
§ 6 Ujaqquqariviup qaava naammassisaq	10
§ 7 Teknikkikkut sanaartukkat	10
§ 8 Nunaminertat sanaartorfiunngitsut.....	10
KOMMUNIMUT PILERSAARUMMUT TAPILIUSSAQ NR. 34	11
Killigititamut aalajangersakkat atuuttut	11
Siunissami killigititamut aalajangersakkat.....	12
AKUERSINERMI ATSIORNEQ	13
Akuerineqarnera.....	13

Ilanngussaq 1:	Kommunimut pilersaarummut tapiliussap nr. 34-p killigitamut nunap assinga.
Ilanngussaq 2:	Sumiiffiit Killigititaqarfiit immikkortullu
Ilanngussaq 3:	Ujaqquqarivik sulinermilu aqqusernit
Ilanngussaq 4:	Ujaqquqariviup aqquserniallu qutsissusaannut titarnerit

ILITSERSUUT

Illoqarfiup ilaanut pilersaarummi nunaminertat, illut nutaat, pisuinnaat aqqutaat, aqqusernit il.il. qanoq atorneqassanersut, inissinneqassanersut aammalu immikkoortup aalajangersimasup iluani qanoq ilusilersorneqassanersut aalajangersarneqartarput.

Illoqarfiup ilaanut pilersaarut nassuiaatitaqarpoq aammalu illoqarfiup ilaanut pilersaarummut aalajangersartagaqarluni.

Nassuiaatini illoqarfiup ilaanut pilersaarutip siunertaa anguniagaalu naatsumik oqaluttuarineqarput, illoqarfiup ilaanut pilersaarusiortusumi eqqaanilu pioreersut aammalu illoqarfiup ilaanut pilersaarut pilersaarutitut allanut qanoq attuumassuteqarnersoq.

Illoqarfiup ilaanut pilersaarusiortusumi aalajangersakkat atugassaataapput.


Nunaminertanik atuisarneq pillugu Inatsisartut peqqussuttaat nr. 6, 19. december 1986-imeersoq kingusinnerusukkut allannguuteqartinneqartoq, nunaminertanik atuisarneq pilersaarusiortarnerlu pillugit aamma Nalunaarut nr. 23, 18. november 1992-imeersoq kingusinnerusukkullu allannguuteqartinneqartoq malillugit kommunalbestyrelsi illoqarfiup ilaanut pilersaarusiortussaataavoq:

- Kommunip pilersaarusiortarnerata piviusunngortinneqarnissaa qulakkeerniassallugu piasariaqartinneqarpat.
- Angisuumik illuliassaq, atortulersuutit imaluunniit nunaminertanik akuersissuteqarnerit aallartinneqartinnagit.

Illoqarfiup ilaanut pilersaarusiortussaataanerup siunertaraa pilersaarusiortnermi anner-tunerusumik ataqatigiissaarisooqarnissaa innuttaasullu peqataatinneqarnissaat.

Taamaattumik illoqarfiup ilaanut pilersaarut sivikinnerpaamik sapaatit akunnerini arfinilinni tamanut saqqummiunneqassaaq. Tamanna pereerpat Kommunalbestyrelsip naammagittaalliuutit imaluunniit oqaaseqaatit allannguutissatullu siunnersuutit naliliiffigissavai, pilersaarut inaarutaasumik akuersissutigineqartinnagu.

Illoqarfiup ilaanut pilersaarutip inatsisitigut atuuffii illoqarfiup ilaanut pilersaarummi erseqqissumik allaaserineqarput.



Sumiiffimmut killiaititaarfik.



Qinngutsinnut pilersaarut pingaarneq

NASSUIAAT

Illoqarfiup ilaanut pilersaarutit tunuliaqutaa

Qinngutsinni sanaartorfissagissaaneq 2000-immi aallartinneqarpoq. Inissiaqarfiit siulliit marluk 4A1 aamma 4A2 450-it missaaniittunik inissiaqarfiusoq maannakkut sananeqaleruttarpoq. 2006-2007-imilu sumiiffimmi qiterisaqarfik 4C1-Pisissia aammattaaq sumiiffimmi inuussutissarsiuteqarfik 4B1-Naternaqsanaartorfissagissarneqassaaq, kiisalu angallateeqqanut talittarfik 4D3-Eqinga naatsorsuutigineqarluni 2008-mi sanaartorfissagissarneqassasoq.

Sanaartorfissagissaanissamilu ujaqqanik anertuunik pisariaqartitsisoqartussaammat quasummi Pingorsuarmi ujaqgeriffimmi pilersitsisoqassaaq. Qaartiterineruttaraq sumiiffimmi kingusinnerusukkut periarfissaqartilissavaa inissianik 300-t missaaniittunik sanasoqarnisaanut.

Sumiiffimmi inuussutissarsiuteqarfiup ilaa 4B1-Naternaqsanaartorfissagissaaneq atallugu atortunut ilitsiveqarfittut ujaqqanillu sequtseriffittut atorineqassaaq. Atortunullu ilitsiviit qimanneqartalertilugit inuussutissarsiuteqarfinnut nunaminertatut immikkoortinneqassapput.



Siunertaa imarisaalu

Kommunimut pilersaarummut tapilissaq

Kommunimut pilersaarummut tapiliussap nr. 34-p Immikkoortumut killigitataq 4A5-Pingorsuaq inissiaqarfissatut atugassanngortippaa inissianut 300-t missaanniittunut, suliffeqarfinnik pilersitsisinnaanermik periarfissaqartilugu. Sanaartorfissap iluani utaqqiisaa-sumik ujaqgeriveqassaaq, immikkoortoqsanaartorfigineqarsinnaanngortinniarlugu aammalu immikkoortut immikkoortumut killigitat eqqaaniittut sanaartorfissagissarsinnaatin-larlugit

Illoqarfiup ilaanut pilersaarut

Illoqarfiup ilaanut pilersaarutit 4A5-1-ip imaraa ujaqgeriviup qanoq atorineqarnissaa, im-



mikkoortup kingorna inissialiorfigineqarsinnaanissaa qulakkeerumallugu.

Illoqarfiup ilaanut pilersaarut kingusinnerusukkut Illoqarfiup ilaanut pilersaarummik 4A5-2, Pingorsuarmik taarserneqarumaarpoq, sumiiffimmi inissianik 300-t missaaniittunik immikkoortitsisoq.

Ujaqqueriffiup ilusilersorneqarnera.

Illoqarfiup ilaanut pilersaarut qulakkiissavaa, ujaqqueriffiup ima ilusilersorneqarnissaa, inissisimaffiit katillugit pingasut nikingasut marluk ima qimattussiannorlugit, kingusinnerusukkut inissialiorfigineqarsinnaannorlugit inissianik 300-t missaaniittunik.

Pinngortitaq

Illoqarfiup ilaanut pilersaarut qulakkiissavaa, ujaqqat pinngortitamullu attuumassuteqartut allat attatiinnarneqarnissaanut kissaatigineqartut piiaanermi peerneqannginnissaat imaluunniit ajoquserneqannginnissaat.

Pilersaarutittaaq qulakkeertussaassavaa, najugaqartut inuillu allat sumiiffinni angallattut-piiaanermi killimmik ajoqusersorneqarnissaat. Piianeq pujoralannik ajoqusersuutaassanngilaq sumiiffiup eqqaani naasoqarniarneranut aserortersinnaasumik imaluunniit sumiiffimmi ukiuunerani timersuutunik ajornartitsilersinnaasumik.

Aqqusineqarniarnermi angallanniarnermilu pissutsit

Illoqarfiup ilaanut pilersaaruteqarfik angallavigineqassaaq sulinermi aqqusinermit, taannalu sananeqassaaq Qarsumut aqqusernup pingaarnermut sananeqartussamut atatillugu. Aqqusineq ingerlanneqassaaq sumiiffimmi qiterisqarfiup kujataa'tungaatioortillugu qummut quassukkoortillugu sumiiffimmut killigititap kangia'tungaatigut, sumiiffimmullu isaarialerlugu kujataa'tungaaniit.

Sulinermi aqquserniortoqarsinnaavoq sumiiffimmut aqquserniassamut sammeqatigiittumik, tassangaanniillu aqqusinikkut ingerlasoqarsinnaasassaaq sumiiffimmi immikkoortunut 1, 2 aama 3-mut.

Teknikkikkut pilersuineq



Sarfaliuutininik ikkusisoqarsinnaavoq sumiiffiup eqqaaniittuni inissiaqarfinni nipiliornermut ajoqusersuutaassanngippata.

Sulisorisat qamutaasaanni assigisaannilu imiisivinnik perusersartarfinnillu kuutsittagaanngitsunik ikkussisoqarsinnaavoq.

Sumiiffimmi nunap qaaginnaatigut imikoortit-sisoqassanngilaq imaluunniit allamik mingut-sitisoqarluni.

Pissutsit atuutereersut

Sumiiffik quassuup sissap avannamut kujammut sinaatigoortup avannarlarsaraa. Qaqqaq killigititaqarfiup iluani portunerpaaffeqarpoq 80 meter-inik immap qaavaniit uuttorlugu.



Sumiiffik kujataatunganiit isigalugu 2002

Qinngutsinnut pingaarnertut pilersaarummi ujaqgeriffik immikkoortinneqarpoq quassuup sinaatigoortillugu qaqqat arfinillit immikkuullarissut qaavitigoortillugu. Kiilit sivinganer-sallu qaqqat qaavinik avissaartitseqqasut attatiinnarneqassapput sanaartorfigineqassanatillu. 4A5-mi ujaqgeriviit ima ilusilersorneqassapput, quassummi inissisimaffiit pingasuu-suni imminnut avissaangasuni marluk qiman-neqartussanngorlugit, inissialiortiternissami tullin-nguuttumi imminnut avissaaqqatinne-qartussanngorlugit.

Pilersaarusionermut allamut attuumassu-teqarnera

Kommunimut pilersaarut

Sumiiffillu Kommunimut pilersaarummut 1993-2005-imut ilaatinneqanngimmat Siun-nersuut Illoqarfiup ilaanut pilersaarut 4A5-1, Pingorsuaq malinnaatinneqarpoq Siunner-suummut Kommunimut pilersaarummut tapi-liussamut nr. 34-imut. Kommunimut pilersaa-rummut tapiliussaq illoqarfiup ilaanut pilersaarummi suliarineqarsimavoq.

Kommunimut pilersaarummut tapiliussap 4A5-imik utaqqiisaasumik ujaqgeriffimmik immikkoortitsivoq kingusinnerusukkullu inis-siaqarfimmik 300-t missaaniittunik inissialin-nik.

Illoqarfiup ilaanut pilersaarutissat tullin-guuttut.

Illoqarfiup ilaanut pilersaarut 4D3-1 Eqinga

Illoqarfiup ilaanut pilersaarummi pineqassaaq angallateeqqanut talittarfik atortorissaarutai ilanngullugit aamma siunertat sukisaarsartar-fiit pinngortitami umiatsialiviginnersemi eq-qaanilu 4A5-p avannamut kitaatungaaniittumi.

Illoqarfiup ilaanut pilersaarut 4A4-1, Innar-talik

Illoqarfiup ilaanut pilersaarummi pineqassaaq inissiaqarfeqarfik 200-t missaaniittunik inis-sialik 4A5-p kitaatungaani.

Aammattaaq pilersaarutigineqarpoq sulisamanik inissiaqarfeqartoqarnissaa quassuup sinaatigoortillugu kujammut sammisumut.

Illoqarfiup ilaanut pilersaarut 4D4-1, (Oqa-luffik iliveqarfillu)

Illoqarfiup ilaanut pilersaarummiippat oqaluf-fik iliveqarfillu 4A5-p kujammut kangia-tungaani. Nunaq ataata sananeqaataata misis-suinerup kingusinnerusukkat ersersikkumaar-paa sumiiffik siunertamut tulluuttuunersoq.

Inatsisitigut atuuffissat

Inatsisit atuukkallartut

Illoqarfiup ilaanut pilersaarut kommunimut pilersaarummut tapiliussartalik tamanut saq-qummiunneqareerpat, nunaminertat, illut ator-tullu illoqarfiup ilaanut pilersaarusionerfimmii-tut atorneqarsinnaassanngillat sanaartorfigine-qarsinnaassanatillu, atuineq sanaartugarluun-niit pilersaarutitut siunnersuummut naapertuu-tinngippat.

Utaqqiisaasumik inatsisitigut atuuffii illoqar-fiup ilaanut pilersaarutip inaarutaasumik aku-ersissutigineqarnissaata tungaanut atuupput – taamaattorli siunnersuutit tamanut saqqum-miunneqarnerata kingorna sivilisunerpaamik ukioq ataaseq atuussinnaallutik.

Kommunalbestyrelsen, oqaaseqaateqarsinnaa-nerup naanerata kingorna, oqaaseqartoqarsi-manngippallu, nunaminertaq illoqarfiup ilaa-nut pilersaarusiimiittoq atorneqarsinnaasutut sanaartorfigineqarsinnaasutullu akuersissuti-gisinnaavaa, atuinissami sanaartornermullu qinnuteqaatit illoqarfiup ilaanut pilersaarum-mi malittarisassat iluiniippata.

Inatsisitigut atuuffissaviit

Illoqarfiup ilaanut pilersaarut Kommunalbe-styrelsimi inaarutaasumik akuersissutigineqa-reerpat tamanullu saqqummiunneqareerluni nunaminertat, illut atortullu illoqarfiup ilaanut pilersaarummiittut taamaallaat atorneqarlutil-lu sanaartorfigineqarsinnaapput illoqarfiup ilaanut pilersaarummi aalajangersakkat malil-lugit.

Kisialli immikkut ittumik pisoqartillugu immikkut ittumik annikitsumik sanioqqutaarisoqartillugu akuersissuteqartoqarsinnaavoq. Annertuumik sanioqqutaarisoqartillugu nutaamik illoqarfiup ilaanut pilersaarusiortoqartari-aqarpoq.

Illoqarfiup ilaanut pilersaarutip nammineerluni nunaminertat, illut atortullu pilersaarusiama ilaasut atuutilernissaat piumasaqaatitarinngila.

Maannakkut inatsit malillugit nunaminertat, illut atortullu atorneqarnerat ingerlaannasaaq. Tamanna ilaatigut imatut paasineqarsinnaavoq maannamut nunaminertanik, illunik atortunillu inatsisit malillugit atuineq ingerlaannarsinnaasoq, paarlattuanilli soorlu assersuutigalugu atuinerup allanngornerani nutaamilluunniit sanaartornermi illoqarfiup ilaanut pilersaarusiama aalajangersakkat unioqqutitsisumik ingerlanneqaqqusaanngillat.

Oqallisigineqarfia akuersissutigineqarneralu.

Illoqarfiup ilaanut pilersaarutissatut siunnersuut 4A5-1, Pingorsuaq, tamanut oqallissanngorlugu saqqummiunneqarpoq piffissami 5. apriliimiit 17. maaji 2006-imut.

Piffissami tusarniaaviusumi siunnersuummut oqaaseqaatit akerliliissutillu ataasiakkaat tiguineqarput. Marluk piginneqatigiilluni inissiatileqatigiinneersuupput, ujaqkerivissamut akerliliissuteqartut ernumassutigalugu nipiliornermik pujoralatsitsinermillu kinguneqarnissaa.

Kommunalbestyrelsip illoqarfiup ilaanut pilersaarut ulloq 26. juuni 2006-imi suliaraa naliliillunilu utaqqiisaasumik ujaqkerivissaq imatut nipiliornermik pujoralatsitsinermillu kinguneqarnavianngitsoq. kommunalbestyrelsip Illoqarfiup ilaanut pilersaarut 4A5-1 kommunimut pilersaarummut tapiliussartalik nr. 34 akuersissutigaa, siunnersuutitut tamanut saqqummiunneqarneranit ataasiakkaanik aaqquissuinikkut iluarsissutitalerlugu.

Naalakkersuisut ulloq 12. oktobari 2006-imi kommunimut pilersaarummut tapiliussaq nr. 34 akuersissutigaa.

AALAJANGERSAKKAT

Kommunalbestyrelsip matumuuna aalajangersakkat makku, nunaminertamik atuineq pilersaarusiornerlu pillugit Inatsisartut peqqussutaat nr. 6, 19. december 1986-imeersoq kingorna allannguutitaqartinneqartoq naapertorlugu aammalu nunaminertanik atuineq pilersaarusi-ornerlu pillugit Nalunaarutaat nr. 23, 18. november 1992-imeersoq kingusinnerusukkut allanngortinneqartoq naapertorlugit aalajangersarpai.

§1 Illoqarfiup ilaanut pilersaarutip siunertaa

- 1.1 Illoqarfiup ilaanut pilersaarutip siunertaraa:

qulakkiissallugu, sumiiffimmi ujaqqanik 80.000 m³ -inik piiasoqarnissaa Qinngutsinni sanaartorfissagissaanisami.

qulakkiissallugu, ujaqgerisoqareerpat nunatat qutsissusissamut titarnerit aalajangersagaareersut malillugit qimanneqarnissaat aamma sanaartornissami tullinnguuttumi nunap qaava tulluutereerissaa.

qulakkiissallugu, ujaqqat ataasiakkaat pinngortitamisut isikkullit isikkorigiigaallu attatiinnarneqarnissaat, kingusinnerusukkut sumiiffiup inissiaqarfittut aqqissuunneqarnissaa atatilugu.

§ 2 Illoqarfiup ilaanut pilersaarutip sumiiffia

- 2.1 Illoqarfiup ilaanut pilersaaruteqarfik kililernerqarpoq ilangussami 1-mi takutitattut sumiiffinnullu immikkoortunut sisamanut agguataagaalluni.
- 2.2 Sumiiffik annertussuseqarpoq 7.9 Ha-it missaannik.

§ 3 Atuinninneq

- 3.1 Sumiiffiup atorneqarallarfissaa utaqqiisaasumik ujaqgeriffittut ujaqqanillu se-

qutserivittut aalajangersarneqarpoq Qinngutsinni sanaartorfissagissaaneq atatilugu.

- 3.2 Sumiiffimmi Immikkoortoq 1 ujaqgerivittut 0.7 Ha.-itut annertussusilittut immikkoortinneqarpoq tassanilu ujaqqanik 20.000 m³ missaaniittunik piiasoqassaaq.
- 3.3 Sumiiffimmi immikkoortoq 2 ujaqgeriffimmi 1.2 Ha.-itut annertutigisumik immikkoortitsiffiuvoq tassanilu ujaqqanik 60.000 m³ -inik piiasoqassaaq.
- 3.4 Sumiiffimmi Immikkoortoq 3 ilitivittut atorneqarsinnaavoq ujaqgeriffik atatilugu.
- 3.5 Sumiiffimmi Immikkoortoq 4 aqquserniassatut immikkoortinneqassaaq.

§ 4 Aqqusineqarniuarnermut pisinnaallu aqquataannut pissutsit

- 4.1 Sulinermi aqqusineq A siunissami angallannermi aqqut pingaarnertut ilanngussaq nr. 3-mi takutinneqartutut sammitinneqassaaq.
- 4.2 Sulinermi aqqusineq B siunissami illoqarfiup ilaanut 4A5-imut aqqusinissatut ilanngussaq 3-mi takutinneqartutut sammitinneqassaaq.

§ 5 Ujaqgeriviup annertussusaa inissimaffialu

- 5.1 Ujaqgeriveqarfiit marluk immikkoortinneqassapput Piiavik 1 aamma Piiavik 2 ilanngussami 3-mi takutinneqartutut.
- 5.2 Piiavik 1-mi qaqqaq sivingasumik nakkarialerlugu piiarneqassaaq kote 72-imiit kote 69-imut ilanngussami 4-mi takutinneqartutut.
- 5.3 Piiavimmi 2-mi qaqqaq sivingasumik nakkarialerlugu piiarneqassaaq kote 68-imiit kote 64-imut ilanngussami 4-mi takutinneqartutut.

§ 6 Ujaqqeriviit qaavat naammasserii-gaq.

- 6.1 Qaarsut piiaavigineqartut qaavi manis-suutinneqassapput.
- 6.2 Ujaqqeriviup 1-ip aamma ujaqqeriviup 2-p akornanni piiaanermi qaartiteriso-qassaaq qaarsoq sivinganersalerlugu 1:2-mik.
- 6.3 Ujaqqat ilanngussami 3-mi nalunaaquserneqarsimasut attatiinnarneqassapput.

§ 7 Teknikkimut atortulersuutit

- 7.1 Sumiiffimmi sulisorisat assakaasulinnik angallataanni imiisivinnik, perusuersartarfinnillu kuutsittagaanngitsunik ikkusisoqarsinnaavoq.
- 7.2 Sulisorisat angallataanni assakaasulinni imikoq, perusuersartarfiillu kuutsittagaanngitsut assigisaallu nunap qaaginaatigut kuutsinneqartassanngillat.
- 7.3 Sumiiffimmi uuliakoortitsisoqassanngilaq imaluunniit arlaanik mingutsitisoqarluni.

§ 8 Nunaminertat sanaartorfiunngitsut

- 8.1 Nipiliortitsinerit pujoralannillu ajoqusersuutit inissiaqarfiup eqqaatungaaniit-tut suniiffimmilu qiterisaqarfimmi minnerpaatinniarneqassapput.
- 8.2 Silt nunamiitinneqassanngilaq sumiiffimmullu innersuunneqartumut ingerlanneqassalluni.
- 8.3 Assaanermut atatillugu sivikitsumik silt nunamiitinneqassappat fibertex-imik assigisaanilluunniit allequtserneqassaaq nunamut pitarussinnaajunaarlugu, taamatullu sillimaffigineqassalluni anorimit sialummilluunniit siaruarterneqann-ginnissaa.

Killigititamut aalajangersakkat atuuttut

Kommunimut pilersaarummi Nuuk 1993-2005 sumiiffimmi Killititami 4-mi, Qinngorput tunngaviit ilitersuussutaasut tullinnguuttut aalajangersarneqarsimapput:

Pilersaarummut siunertat

Qinngutsinnut illoqarfiup ilaa pingaarnertut ilusissami siunissami illoqarfiup ineriartorfissaatut toqqarneqarsimavoq. Sumiiffik ineqarnermut siunertanut immikkoortinneqarpoq assigiinngissitaartunik ammasunik-pukkitsunik aamma eqimasunik-pukkitsunik inissianik aammattaaq sumiiffiup qiterisaqarfianut aamma talittarfimmut siunertanut.

Illoqarfiup ilaa nutaq naammassineqaruni inissianik 1.700-t missaaniittunik amerlassuulinnik inissiaqarfeqassaaq taakkulu inunnt 4.000-it missaaniittunik nallersuuttuupput. Inissialiorsinnaanermut initussutsip pissusissamisoortilerpaa sumiiffimmi illoqarfiup tullerilaartumik ineriartortinneqarnissaanut aalajangersaassalluni.

Taamaattorli sumiiffimmi misissueqqissaarnerit naammaginartumik tunngavissaqartitsilinnigillat illoqarfiup ilaata sananeqaatissaanik ilusilersorneqarnissaanullu aalajangersaassalluni. Pingaarnertullu malittarisassat uaniittut aalajangersarneqarumaarput kommunimut pilersaarummut tapiliussaliortoqarneratigut, misissueqqissaarnerup naammassineqarnerani inernerit saqqumileriapata.

Kommunimullu pilersaarutip taamaallaat tunngaviit ilitersuussutaasut tullinnguuttut kisissa aalajangersarneqaatigai, misissueqqissaarnerup piviusunngortinneqarnissaanut tunngaviliisuusussat.

Sumiiffik naatsorsuutigineqarpoq angallanniarnikkut isumagineqarumaartoq ilaatigut kitaatungaatigut nutaamik pingaarnertut aqquserniortoqarneratigut, aqqusinerlu sulluliorneqassaaq Aqisseqarajuukkut, aamma ilaatigut

avannaa'tungaaniit, Aqisseqarajuup kangiatungaatigut, mittarfiup aqqusernata kujammut sammisumut tallineqarnerisigut aqquserniap nutaap kangimut-kimmoortumut naapiffilernerarneratigut. Tamaalillunilu illoqarfiup immikkoortortaa nutaq qulakkeerneqarsimasaaq naammaginartumik angallanniarnikkut attaveqarnissaminut illoqarfiup ilaanut. Illoqarfimmut ineriartortinneqarfiusup iluani aqqusineq sapinngisaq naapertorlugu sumiiffiup inissiaqarfianiit ingerlatinneqassaaq, tassa imaappoq tiffasittumiitillugu sineriak naapertorlugu.

Talittarfik sumiiffimmilu qiterisaqarfik sumiiffimmi illoqarfiup qiterisaqarfiani inissinneqassapput immikkoortutut ataatsit.

Illoqarfiup ilaa aggulunneqassaaq kiilnik sumiiffinnik sanaartorfiunngitsunik, qulakkeerissaaq sumiiffiit sineriammut qanittut aamma sumiiffiit sanaartorfiunngitsut timaaniittut ataqatigiisinneqarnissaannut.

Sumiiffik 68.90 ha-imik annertutigivoq.

Avatangiisinut piumasaqaatsit immikkullu ittumik killeqarfeqartitat

Sarfa sakkortuup aqqutaasa eqqaanni isumannaaallisaanermut killiffinnut aalajangersakkat ataqqineqassapput.

Mittarfiup eqqaani isumannaaallisaanermut killeqarfimmut atatillugu aalajangersakkat ataqqineqassapput. Sumiiffimmi sanaartornermi atortulersuinermilu mittarfimmut atatillugu nipiliortitsinermut maleruaqqusat ataqqineqassapput. Nunaminertat mittarfiup eqqaani nipiliortitsinermut killeqarfimmut (mittarfimmit 700 meterit) maleruaqqusanut ilaasut nipiliortitsinermut malussarissunut, taakkununga ilanngullugit inissialiortiternernut atorneqassanngillat.

Sumiiffimmi imermut pilersuinermit killigitanut aalajangersakkat ataqqineqassapput. Killiliinerlu nalunaarsuisuuvog sanaartuinerit suli-aqarnerillu imissamaatinik mingutsitisinnaasut sorliit peqqusaannginnersut.

Siunissami killigititanut aalajangersakkat

SUMIIFFIK	4A5 – PINGORSUAQ
Pissutsit atuuttut	Sumiiffimmiippoq Qinnngutsinni qitiusoqarfiup 4C1 – Pisissiata (Pisissia) kujataatungaani nunaminertaq. Sumiiffik pinngortitaanermisut isikkoqarpoq. Sumiiffik 7.9 ha. missaanniippoq.
Pingaarnertut ilusissaa	Pingaarnertut ilusissami nunaminertaq assigiinngissitaartunik inissialiorfisatut, sulliveqarfinnullu immikkoortinneqarsimavoq.
Illoqarfiup ilaanut pilersaarum siornermut aalajangersakkat	Illoqarfiup ilaanut pilersaarutit imaannut nalinginnaasumik killiliussat sumiif-fimmut atuupput. Tamatuma saniatigut ima killiliussatut aalajangersaasoqarpoq:
Nunaminertanik atuineq	Sumiiffik inissianik, nunaminertanik sanaartorfigineqanngitsunik, sumiif-fimmi najugaqartunut illunik ataatsimoortarfinnik, sulliveqarfinnik kiisalu sanaartulinnginnermi Qinnngutsinni sumiiffinnik allanik sanaartorfigissaanermi atugassanik qaqqajunnanik annikitsumik qaartiterisoqalaarsinnaavoq.
Initussuseq	Sumiiffimmi inissiat 300-it missaanniittut sananeqarsinnaapput.
Sanaartukkat	Quleriaanik inissialiat quleriit arfilinnut portutigitillugit sananeqarsinnaapput. Nutaanik sanaartulinnginnermi tamanna illoqarfiup ilaanut pilersaarummi aalajangersarneqassaaq.
Illoqarfimmik nutarterineq isaterinerlu	Immikkut piumasaqaateqartoqanngilaq.
Eriagisariallit	Immikkut piumasaqaateqartoqanngilaq.
Nunaminertat sanaartorfigeqqusaanngitsut nunallu ilisarnaataat	Nunaminertat sanaartornermut atortunullu atorineqanngitsut sanaartorfiunngitsutut uninngaartarfittullu ilusilersorneqassapput imaluunniit pinngortitaa-nermissut isikkoqaannassallutik.
Angallannermut teknikkimullu sanaartukkat	Sumiiffimmut aqqut pingaarnertut aqqusinnermit angallaffiusumit najuk-kami aqqutikkut pilersinneqassaaq. Illoqarfiup ilaanik ataasiakkaanik atassusiisumik ataatsimut aqqusineeraliinissaq qularnaarneqassaaq. Sumiiffiup kangiutungaani Siorarsiorfimmu pingaarnertut aqqusinissaanut nunaminertamik qularnaarisoqassaaq.
Avatangiisinut piumasaqaatit nunaminertallu piumasaqaatitaqarfiusut	Qinnngutsinni pingaarnertut aqqusernup qeqqaniit minnerpaamik 40 meterit angullugit sanaartukkat nipimut mianernartut sananeqassapput
Immikkoortukkuutaarlugit allilerinerit	Immikkut piumasaqaateqartoqanngilaq.

AKUERSINERMI ATSIORNEQ

Nuup Kommuneani Kommunalbestyrelsip matumuuna Illoqarfiup ilaanut pilersaarut 4A5-1, Pingorsuaq Kommunimut pilersaarummut tapiliussartalík nr. 34-imik akuerivaa.

Ulloq: 26/06-06

Malínánguaq M-17

Malínánguaq Marcussen Mølgaard /
1. Viceborgmesteri

Kim Hvistendahl

Kim Hvistendahl
Allaffissornermi pisortaaneq

Naalakkersuisut Kommunimut pilersaarummut tapiliussaq nr. 34 matumuuna akuersissutigaa.


Ulloq: 12/10-06

Namminersornerullutik Oqartussat
GRØNLANDS HJEMMESTYRE
Direktoratet for Miljø- og Natur
Postbox 1614, 3900 Nuuk

Troels Wising

Johanne Høje

Illoqarfiup ilaanut pilersaarut 4A5-1, Pingorsuaq, Kommunimut pilersaarummut tapiliussartalík nr. 34 atuuttussanngorlugu tamanut saqqummiunneqarpoq ulloq 18. 10. 2006.




**TEKNIKKIMUT AVATANGIISINULLU
INGERLATSIVIK**

Ulloq / Dato
Tegningsnr.
J. nr.
Skala
Sull. / Sagsbeh.

Junl 2006
T.001
16.04.4A5-1
1:5.000
NARA

**Kommunitut pilersaarummut tapiliussamut nr.
34-mut killiliussaqaqriup nunakkut assinga**

Ilanngussaq 1




**TEKNIKKIMJUT AVATANGIISINULLU
INGERLATSIVIK**

Ulloq / Dato
Tegnlingsnr.
J. nr.
Skala
Sull. / Sagsbeh.

Juni 2006
T.002
16.04.4A5-1
1:2.000
NARA

Illoqarfiup ilaanut pilersaarutitut 4A5-1, Pingorsuaq
**Killiliussaqaarfik killiliussaqaarfup ilaa
llanngussaq 2**



**TEKNIKKIMUT AVATANGIISINULLU
INGERLATSIVIK**

Ullaq / Dato
Tegningsnr.
J. nr.
Skala
Sull. / Sagsbeh.

Juni 2006
T.003
16.04.4A5-1
1:2.000
NARA

Illoqarfiup ilaanut pilersaarutitut 4A5-1, Pingorsuaq
**Ujaqkeriffik sulinermilu aqusernit
llanngussaq 3**



**TEKNIKKIMUT AVATANGIISINULLU
INGERLATSIVIK**

Ulloq / Dato
Tegnlingsnr.
J. nr.
Skala
Sull. / Sagsbeh.

Juni 2006
T.004
16.04.4A5-1
1:2.000
NARA

Illoqarfiup ilaanut pilersaarutit 4A5-1, Pingorsuaq
**Qaartiterereernermi nunap qitsissusaanut
titarnerit
Ilanngussaq 4**